



SEÑOR TA SKUCHA I TA LIBRA

Lès 4 pa Yanüari 27, 2024








“ E hustunan ta sklama, i Señor ta
tende nan; E ta libra nan for di tur nan
problemanan(angustianan)” (Salmo 34:17)

Señor no ta un dios distansiá i pasivo. E konosé nos, ta kuida pa nos, ta defendé i ta libra nos.

Dios ta tende nos i ta aktua na nos benefisio.

Esaki tabata e eksperensia di e pueblo di Israel; I e eksperensia di e salmistanan kende a sklama na Dios den tempunan di difikultat.

Nos no ta nos so den nos difikultatnan; nos tin un Señor Kende ta bini na nos defensa.



- ➡ **Señor sa (Salmo 139).**
- ➡ **Señor ta kuida (Salmo 121).**
- ➡ **Señor ta defendé (Salmo 17).**
- ➡ **Señor ta libra (Salmo 114).**
- ➡ **Señor ta tende i ta salba.**




SEÑOR SA(KONOSE)

"O Señor, Bo a saminámi, i a konosémi" (Salmo 139:1)

David ta konsiente ku su bida kompleto ta transparente dilanti di Dios (Salmo 139:2-3). Dios ya kaba tabata konos'é promé ku el a nase, pasombra Dios tabata Esun Kende a hasié krese den su mama su matris (Salmo 139:13-16).

Bo por topa ku Dios unda ku bo bai, pasombra Dios ta den tur lugá. Si bo asendé na e mas haltunan (shelunan), E ta einan; si bo bai abou den e profundidatnan (Seol), E ta hañabo; si bo bira na e ost (e halanan di marduga), E ta guiabo; si bo dirigí pa wèst (e final di laman) su man ta defende bo. (Salmo 139:7-10).



No tin ningun lugá asina skur ku e lo por skondébo for di presensia di Dios (Salmo 139:11-12). Pero David no ta buska pa hui. E kier i ta desea pa wòrdú eksaminá dor di Dios. E ta purba pa biba un bida hustu ku ta agradá Dios, alehando for di maldat (Salmo 139:17-23).

E sa ku si é faya, Dios lo hasi su kamindanan regt(stret) (Salmo 139:24). Esaki ta bo eksperensia ku Dios?

SEÑOR TA KUIDA

"Señor lo protehábo for di tur maldat: E lo warda bo alma" (Salmo 121:7)

No importá kon desesperá bo situashon ta, Dios ta tende (Salmo 130:1-2). Ora ku nos sklama, E ta aktua na nos benefisio (Salma 9:10). Tin speransa pa kada un kende ta buska Señor Su fabor (Salmo 16:8).



Den Salmo 121 nos ta haña un deskripshon di nos Yudadó, Yudansa i Guardian:

E lo no pèrmití nos slep riba e kaminda di bida (v. 3)

Konstantemente E ta kuida(vigilá) riba nos (v. 4)

E ta duna nos refugio físico i spiritual (v. 5-6)

Semper E ta na nos banda pa defendé nos (v. 7)

E lo kuida pa nos na tur tempu i den tur lugánan (v. 8)


Unda mester bai pa buska yudansa den difikultat? Na e serunan? Na poder ekonómiko? Na podernan político? Na nos famia i amigunan ? (Salmo 121:1).

Ounke nan lo por ta un yudansa, nan tur lo por faya nos. Tin solamente Unu Kende nunka ta faya: "Mi yudansa ta bini for di Señor, Kende a traha shelu i tera" (Salmo



SEÑOR TA DEFENDÉ

"Wardami manera e pret'i wowo, skondemi bou di e sombra di Bo halanan" (Salmo 17:8)



Konfidente(sigur) den un bida konsistente ku loke ku Dios ta spera for di djé, David ta pidiÉ pa ta su Defensor (Salmo 17:1-5).

E salmista ta huza e metafora di paranan pa bisa nos tokante di kon Dios ta defende nos: " E lo kubribo ku Su plumanan, i bou di Su halanan lo bo ta seif " (Salmo 91:4). E ta huza tambe lenguaje militar pa bisa nos tokante di su defensa aktivo: " E lo ta bo eskudo i bo baluarte " (Salmo 91:4 NVI).


Otro metaforanan ta inklui e " protekshon, "e sombra ", e "kastel," e " man drechi " (Salmo 91:1-2; 17:7-8). Tur di nan ta papia na nos tokante di protekshon i siguridat .

Sin un duda, nos tin un Señor Kende ta defendé nos den tur atversidat. Laga nos bira na djÉ. Laga nos tuma refugio bou di Su sombra.



SEÑOR TA LIBRA

"E laman a mira esaki, i a hui: Jordan a wòrdú halá atras" (Salmo 114:3)



E ehèmpel di mas grandi di liberashon ku nos ta haña (i eseí ta wòrdú kòrdá den varios salmonan) ta e salida di Israel for di Egipto, i esaki su entrada den Kanaan.

Salmo 114 ta ekspresá na un manera breve i poetiko e manera den kual Dios a suavisá e difikultatnan pa Su pueblo yega e Tera Priminti :



E laman [Kòrá] a mira
Dios i a hui (v. 3a)



E Riu Jordan a bira bèk (v.
3b)



E serunan i e serunan
chikitu a bula (v. 4)



Komo Kreador, Dios a huza Su poder riba naturalesa p libra Su pueblo. Lo E no hasi meskos pa nos awe?

Pablo ta bisa nos ku e kosnan aki a sosodé pa duna nos un ehèmpel (1Kor. 10:1-6). Meskos ku nan, nos tambe a wòrdú librá milagrosamente for di piká, i nos biahe pa Kanaan Selestial ta kargá ku peliger (serunan i serunan chikitu). Pero dilanti Señor " e tera ta tembla " (Salmo 114:7).

SEÑOR TA TENDE I TA SALBA

“Ku E lo mandabo yudansa for di e santuario i dunabo sosten for di Sion” (Salmo 20:2)

Ounke e santuario (Tèmpel) tabata riba Seru Sion (Jerusalèm), e Israelitanan evidente ku Dios no tabata habitá einan físicamente. Dios ta biba den halturanan, den, “ e tabernakel bèrdadero ei kual Señor a lanta, i no hende ” (Heb. 8:2), pero for di einan E ta tende i ta salba (Salmo 20:2; 3:4; 1Reinan 8: 30).

Pa e motibu aki, nos por aserk’É konfidentemente ku e siguridat ku nos lo wòrdu tendé (Heb. 4:16). Pero kiko E lo por hasi for di Su santuario?

Duna salbashon (Salmo 14:7)


Warda nos for di maldat (Salmo 27:5)

Provee pa nos nesesidatnan (Salmo 36:8)

Defendé esnan sin defensa (Salmo 68:5)

Fortalesé nos (Salmo 68:35)

Ora ku hende mantene un relashon korekto ku Dios dor di repentimentu i aseptashon di Su grasia i pordon, nan lo por invoká Dios Su garantia di libertat. E servisio di Santuario tabata representá e salbashon hañá den Hesus.



“Mantene bo mesternan(deseonan), bo gosonan, bo tristesanan, bo preokupashonnan, i bo temornan dilanti di Dios. Bo no por pone karga riba djÉ; bo no por kans’É. Esun Kende ta numerá e kabeinan di bo kabes no ta indiferente na e mesternan di Su yiunan. “Señor ta masha lamentabel, i di miserikòrdia tierno .” Santiago 5:11. Su kurason di amor ta wòrdu toká(moví) dor di nos tristesanan I asta dor di nos eksprechonnan di nan. Hiba serka djÉ tur kos ku ta konfundi e mente. Nada ta muchu grandi p’É karga, pasombra E ta sostene mundunan, E ta goberna riba tur e asuntunan di e universo. Nada ku den kualquier manera(forma) ta konserní nos pas ta muchu chikitu p’É nota(ripará). No tin ningun kapítulo den nos eksperensia muchu skur p’É lesa; no tin ningun konfushon much difisil p’É aklará. Ningun kalamidat por sosodé ku e di mas chikitu di Su yiunan, ningun ansiedat por molestiá e alma, ningun goso por anima, ningun orashon sinsero por skapa e lepnan, di kual nos Tata celestial ta inopservante, òf den kual E no ta mustra interes inmediato ”